



KENYATAAN MEDIA

ISLAMIC RELIEF MALAYSIA
4 APRIL 2018

IRM SOKONG USAHA ARTIS TEMPATAN RAIH DANA KEMANUSIAAN

PETALING JAYA, 4 April – Islamic Relief Malaysia (IRM) dan Pertubuhan Ukhwah 4 Ummah (U4U) hari ini melancarkan Projek Squad Celebrity Global Volunteers bagi meraih dana kemanusiaan sebanyak RM2.4 juta.

Projek yang dibarisi 12 selebriti tempatan itu memberi fokus kepada empat projek pembangunan IRM di Malawi, Bosnia & Herzegovina, India dan Filipina.

Majlis pelancaran telah disempurnakan oleh Ketua Pegawai Eksekutif IRM, Zairulshahfuddin Zainal Abidin dan Presiden U4U, Mohamad Sharudin Dawam.

Menurut Zairulshahfuddin, IRM mengatur pelbagai pendekatan berbeza setiap tahun bagi mendekati masyarakat dan menyampaikan kempen kesedaran mengenai isu-isu kemanusiaan yang berlaku di peringkat global.

“Sejajar dengan visi IRM yang ingin mewujudkan dunia yang prihatin, IRM tahun ini menggembeleng usaha bersama pihak U4U dalam memastikan 12 selebriti ini menyelami kehidupan dan penderitaan yang dilalui oleh penerima manfaat di empat buah negara sekaligus dapat menyebarkan mesej kemanusiaan tersebut kepada masyarakat.

“Empat projek yang bakal disertai pihak IRM, U4U dan selebriti itu adalah “School 4 Godda” di India, “Tabang 4 Marawi” di Filipina, “Water 4 Malawi” di Malawi dan “Misija 4 Bosnia” di Bosnia & Herzegovina,” tambah Zairulshahfuddin.

Keempat-empat projek ini mempunyai keistimewaan tersendiri sehingga diangkat menjadi empat kempen utama bagi projek ini. Ia meliputi sektor bantuan bekalan air bersih, pendidikan dan bantuan mangsa peperangan.

Dalam majlis pelancaran itu, IRM dan U4U memperkenalkan barisan selebriti terlibat seperti Irma Hasmie, Redza Shah, Lufya Omar, Diana Amir, Farah Lee, Ashraf Muslim, Faizal Ismail, Fara Fauzana, Zoey Rahman, Lah Ahmad, Nadia Sabrina dan Dhirar Zainal.

Projek Squad Celebrity Global Volunteers ini bakal memberi impak kepada 9,880 penerima manfaat di keempat-empat buah negara.

Mengenai Islamic Relief (IR)

Diasaskan di United Kingdom pada tahun 1984, Islamic Relief Worldwide (IR) merupakan sebuah organisasi bantuan dan pembangunan amal antarabangsa yang bebas dan bukan berpaksikan politik. IR diiktiraf sebagai sebuah badan bukan kerajaan dengan status perundingan khas sejak tahun 1993 oleh Majlis Ekonomi & Sosial PBB (UNECOSOC). IR menyediakan bantuan kemanusiaan dalam pelbagai bidang termasuk bantuan kecemasan, pembangunan mampan sosial bersepadu (termasuk perubatan, pembangunan komuniti, pendidikan, kehidupan, tempat tinggal, psikososial) dan pengurangan risiko bencana. IR membantu mereka yang memerlukan tanpa mengira kaum, agama, jantina atau kefahaman politik tanpa mengharapkan sebarang balasan.

Sejak 1984, IR telah berkhidmat di lebih 45 buah negara dan mempunyai rangkaian tetap di lebih 35 buah negara merangkumi 100 buah cawangan di seluruh dunia yang bertanggungjawab untuk menyelaras, menjana dana dan melaksanakan program-program IR.

YABhg. Tun Dr. Mahathir Mohamad telah melancarkan penubuhan IRM pada tahun 2005, bertujuan untuk meneruskan bantuan kemanusiaan IR di rantau Asia-Pasifik. Kini, IRM berperanan sebagai pejabat penjanaan dana (bagi projek antarabangsa & tempatan) dan pelaksana projek tempatan.

Untuk mendapatkan maklumat lanjut mengenai program kemanusiaan IRM, sila layari laman web rasmi IRM iaitu www.islamic-relief.org.my atau hubungi IRM di talian tetap 03-8926 3434.

Bagi mereka yang ingin membuat sumbangan, salurkan sumbangan anda ke nombor-nombor akaun berikut atas nama Islamic Relief Malaysia :

MAYBANK ISLAMIC | 5621 4270 8704

CIMB ISLAMIC | 860 2073818

BANK ISLAM | 12 029 01 006564 3

AFFIN ISLAMIC | 10 671 000278 4

BANK RAKYAT | 11080 10000 35

atau melalui :

CHARITY SHOPPE | TUNAI / KAD KREDIT

MOBILE APPS | IR Malaysia

Zairulshahfuddin Zainal Abidin

Ketua Pegawai Eksekutif, Islamic Relief Malaysia

- Tamat-

Dikeluarkan oleh,
Islamic Relief Malaysia (IRM)-Reg No: 657354-W
A-05-1, Paragon Point, Jalan Medan PB5, Seksyen 9,
Pusat Bandar, 43650 Bandar Baru Bangi, Selangor
Untuk maklumat lanjut, sila hubungi **Unit Media**
di talian 03-8926 3434, faks 03-8925 3434 atau
emel: Malaysia.Media@islamic-relief.org.my